

## RAJOTTYA CATERA TIMOTEVUJU

### Satuchoda Pávurubay siva Timutévu catera nucharata

**1** <sup>1</sup>Ray Pávuru, ratyuchunayasarára Crístu Jesús vichada títaju mucadiva. Ray vichasara Jesucrístu nusubyi Jüdenu jtedamu, tapi nitya jiryinüñi vuryeyada ráñute Jüdenu. Crístu Jesús jpantirye, simu dantyirya vuyntuyadantiy. <sup>2</sup>Rañuy catera jiiyyu, Timutévu, jiryatiy ritay daryaju sitenu radyenu ji, tapi jityuvachu simu Jüdenu ritadamuju. Ray vata jiiyyura samirya jivyichada Jüdenu jtedamuju, Jüdenu jantyutya samiy variy ji, samirya jivyichada jiryorimyu. Títaju jirya ravyata jiiyyu Jüdenumusi, jiryatiy Vujye daryajuni. Crístu Jesús musiy jarye ravyata jiiyyu, Vuyntyityu daryajuntiñi.

### Sajnyasara Timutévu riryajisiy quivyadamu datyanuvayu

<sup>3</sup>Tariy rayadamu Masedóniyamu, rayasantada jimechojadaju Evésumu ji, yatidye jtay ruva tavay datyanuvay: “Ne jiryadatanu nudarya quivyada nundy.” Diye runda rajechiñuy darya yivantirya. <sup>4</sup>Yajtay ruuva: “Ne jiryatuvachu ramu quivyada tuchusada jiryitamyata sitenura. Dantyamuy ne yatuvachu ranacho tarijyemyi tuchoda jiryatiy jamucara. Minityi jnutatya riva tarijyemyi tuchodayu, nutyura ravichada

vumyunatyiveda jtya, minityi jachipityaja jaryirya tuchusada tuchoda, vanira nanimutyaja variy rivayu.”

Tarijyemyi tuchoda ne datyanu tara vuy, nuryamusiy sarachara Jüdenu vuryeyadacy, nutyuramusitya vuryasiityeruy saju variy. <sup>5</sup>Sasay Jüdenura jidyetyadoda nijyanvayju riryatidye jchanatya Jüdenu vatadamuju varirya, vase jachipiyavay daryaju riy, riñi datya day Jüdenu ramityanirya vuyyuuchaveda, riñi tuvachu Jüdenumu jijechityantiy ne quivyadata, samirya jachityavay daryaju riy. <sup>6</sup>Tavay jiiñte ranchiy, rivyicha mitya jmutyajajadacanumiy variy. <sup>7</sup>Rivyicharuy datyanuvay, Jüdenu niquejada ridyetyanuruy daryaju, dañumamuy ne ridyetya tara ranique, dantyamuy ne ridyetya tara jidyetyadanchiy. <sup>8</sup>Ne yinuy samiryara jiryatiy sasayada Jüdenu tarirya jiñiquejada, vuryanumatiy datya taraju suteda vuryivara. <sup>9</sup>Ne yinuy ne sabay Jüdenura yiteda sanijyu minityi vichasara samirya, jiñu jiyaroju jita sabarya, jiryatimuy ne satuvachuruy Jüdenu jtedamu, rijyu sabantyirya jiñiquejadantiy, jiryatiy siityejasamiryi. Riyaroju day sabay Jüdenura yitedantiy, muvyeñitimuy ne jachipityajani. Supara jiñiquejada ruumu vacha jachipiyavantiy, minityi jtay ne jichuvuñi Jüdenu, riñique daryaju vacha sanijyu. Daryaday sabay rijyu

jувavyentyi, minityi jvañi jijye, minityi jvañada yinoda, minityi jvañi taji vichi nijyamí. <sup>10</sup>Daryaday sabay Judenu jiñiquejada sajuntiy minityi jitye sisa vinu vaturayu, ti vaturuy jsa jarye jiryatimyu ne savaturuy nanicha daryaju day; daryaday rijyu, vaduntyi, minityi sije jiryenu vanumu, nuñi vanu riryajvatyayu. Daryaday riñijyuntiy minityi paranuni nijyamí, quivurya jarye, minityi niqentyi: Sitenu ritay Judenu datyadamuju yiva, sutamyata samiy jiñiquevara quivuyadani ranicha day. Daryaday sabay jiñiquejada rijyuntiy, titaju muvyeñityi jvaachara tara samiy datyadoda jiyaroju. <sup>11</sup>Nutyu rañiy sani say Judenura samituchoda radyetyadodaju nutyuramusiy saray Cristu Jesús vuryeyada, nutyuramusiy. Jiryá saniquejada vichasara titaju nijyanvay jchanayadaju, daryamusini titaju riryaniquejaya samirya Judenunijyu.

**Sichanatyada Pávurubañi Judenu santutyadanchiy**

<sup>12</sup>Ritay jita siva Cristu Jesús: Ranumayu Rayntyityu, jiryatyi jicheyada jivyanuyada ray, rañuma jada jiñiquejada tuchusadamu. Jidyiyada daryaju riva: Sasiite samiy rimu, ramuni jibe variy jimyu chechijyu ray, yipanuyadaju. <sup>13</sup>Jieryetada jasirye, dañuma rañi niqenuyada tariy Judenu jiyaroju, ray jarupantajayasara richiityarijadivayu, jiryatyi richiityenuyada daryaju jijyu, jaryi rajuurata ravatyanuyada riy. Yentyutyada varirye jiryatyi rivañuyada radyetyisadamura, ne rachiityenuyada variy daryaju jijyu didye. <sup>14</sup>Daryamusidyentyi savicha Vuyntyityu samirya vichara rajyu, Cristu Jesús nusuyadamu ratyuvachuruy yimu, daryaday sanirutyadeda

yivantirye. <sup>15</sup>Jiryaniaday sitenu niquejada day, ramuniday vuryatuvachu samiy vujechipiyajadata ramu. Jiryaniaday sitenu niquejada: Cristu Jesús jtijada mucadimu, juuchatavay jantyutyadanacho. Ray Pávuru, ray jita sitenu jaryi juuchati tavamyusiy.

<sup>16</sup>Ramuniday sarayada yentyutyadamu rayadaju, yajnuuy, ne rabaryisara santutyada vujyu. Niday jotada jantyutyadantirye tapi ratya rañicha jaryi juuchati. Daryaday sajantyutyaní tintiy, nitiy ratuvachu risijyu simu Jesucristu, ramutiy sanujeyasarate tarijyu. <sup>17</sup>Ramuni vuryajnujeyasara sanacho Judenu, vuryajchanatya jaryi simu vuy, nini vichasara Vuyntyityu tarijyu daryaju. Ne vanay dirya savichasara Judenu, dantyamuy ne vudyichara siva. Vinu nini tiqui Judenu, ne ti jadchiñuday. Daryani sitenute darya.

<sup>18</sup>Timutévu, yajiriryira daryatyi satuchoda Judenu tariy jiñiyura. Yajachipityaja samirya jinchiy niquesada, jivyanutyatata ji, yatidye jitye ramu Judenu jvajyo variy ji. <sup>19</sup>Jivyanutyatata Judenunijyu jachipiyajadamu ji, jiñi datyisanita Judenu ramityaniy yivara jijyuuchaveda. Tini ne vata sivara jijyuuchaveda ramityadeda day, rijyinumaj variy Judenu siityadivasiy. <sup>20</sup>Adejántru, Jimenévu jarye jidoda daryantiy. Ramuni racheyada Satanásimyu nada, bayantu nutyityumu, nanudatyadaju ne vuryiñique Judenu jiyaroju.

**Sadatyadoda Pávurubay nutyura vuryityuchu sisa Judenu**

**2** <sup>1</sup>Ritaye munatyate yiva: Vuryajoránu titaju nijyanvay jiyadaju, vuryanique sisa Judenu, vuryajachiñuy riyadajuni, vuryajtay

vari y siva: Ranumayu.

<sup>2</sup>Vuryajoránutityi Jüdenunijyu riyadaju presidénteveda, títaju jiryatiy rivyichasara nutyityumiy. Darya vuryajoránu riyadajuntiy, vuryatidye vicha variy samirya, ne vuryajachipityajara tara jarupantasada. Vuryecha Jüdenu jtedamu tuvachuvay, daryaday vuryecha vutyuunu vichavaty samirya varintiy. <sup>3-4</sup>Jiryajoránu nijyamí jiyadaju, raní darya samirya jteda. Jüdenu, vuryeyada ránu jchanatyara vujyorádoda nijyamí jiyadaju, saniruy daryajura riryentyutyasada, ní vata ruuvara samirya datyadara sítenu datyadodantiy. <sup>5</sup>Niní Jüdenu tíqui, jasiñi nuntiy, niní jita jachipiyataniy sítenuj nijyamí Jüdenusaju. Niníday nijyamí jutachítecu, Cristu Jesús. <sup>6</sup>Niní jita carejadara yinuyada vuryeyadaju títaju, sabay jita Jüdenu varirya ratuchusada runda. <sup>7</sup>Rajuní sabay Jüdenu ray sansubiyju, ratyuchunayajadaju. Sítenu niquejada rítay, ne raquivuy, tii, mitya. Jüdenu bayada jiniquejada datyanusiju ray, ratidye datyanu riy jiryatimuy ne judíyüveda daryi. Radyetyanusara sítenu vase niquejada riy, nuryamusiy rachiitye saju Jüdenu.

<sup>8</sup>Tenintiy vuryintyeryanivvuy jasityi vuryajoráy, ravyatadamu riiryesumiy vaduy Jüdenu nachojura jiyjomutu, suutasara jachityavay daryaju riy, jiintyasara rijechiy niqueyadajisiy, ne riñiquetyaruy variñudayu. <sup>9-10</sup>Darya ravyata vatuvyara samichujay jachoda yiva, ne riryi jiyasanta ratariy vaduy. Rindaniveda racha samirya vichadaju, samirya riryajachipiyá variy, daryani riryi vichasara vatuy, Jüdenu siityarivay. Rindaniveda ne vatara jnojasiy pisiyada, dantyamuy ne jnojasiy juritya vandantiy, dantyamuy ne sujatyera jaryi murichevarya.

Samirya rivyichadaju racha yindaniveda. <sup>11</sup>Riryama tuvachu vatuy mitya vapude, riryecha siityevay jivyaduy jtedamu variy. <sup>12</sup>Ne ravyata vaturuy radatyano, dantyamuy ne ravyata riryanusuy vatuñi vanu. Darya jita vatuy raryi macho mitya vapu variy. <sup>13</sup>Tapi Jüdenu jotada judejadani vanu, rivasiy jita sundejada Arábay vaturaju, Éba ravichada sítya. <sup>14</sup>Arábay jita vichada ne quivuchusi, savatura jita vichada quivuchusi day, ramuniday sajuuchüveda variy. <sup>15</sup>Ramuniday riryupachusara vatuvyeda jaryi junuramusiy, dañuma saramityaniy Jüdenu mityara rijuuchüveda, saray variy riyada, riñumatiy siityarini, riñumatiy vata varintiyiñi, riñumatiy jnuty samiy rajisiy vaduy jiyasantadayu.

#### Daryani riryi vichasarate Jüdenu siityarivay jnutyavay

**3** <sup>1</sup>Samirya jtachada, minityi vata jnutyada jaryiryi Jüdenu siityarivay, niní vata ranachó samirya jvaayada jijyu. <sup>2</sup>Ramuniday nitiy racha jnutyi, ne tara raryi jatiche sanijyu; vinu tíqui vaturutyi saryichasara; saryi datyara jbyeda, jatoda jarye ne jaryidaju; dantyamuy ne saryichasara jaryi datyisantiy. Darya samirya vichara saryichantiy, saryi jachipiyasara samirya jmutyajadaju riy jañuvye jiryorimiyuntiy. Daryaday saryivyicha samirya vichara jidyetyadodaju riy tavay. <sup>3</sup>Jnutyi, ne saryicha niyuyadacano, dantyamuy ne saryicha niqueyada jotará. Daryaday saryichasara samirya jachityintiy, ne saryi vatara jvatyiyada, dantyamuy ne saryi jachipiyá jasachodara criquiy. <sup>4</sup>Daryaday saryi datyara jivyaturuy nusuchada samintiy, daryaday riryi siitye sadadyeñu yitedamuntiy, jiryatiy riryi tuvachu daryaju simu. <sup>5</sup>Tapi

netimyu ne sadatya nusuyada riy jidyedyeñu, nutyichitya sajnutyariy Jüdenü dadyeñuntiy, jiryatiy Jüdenü jaryetavaryi. <sup>6</sup>Jnutyi ne raryicha vadi tuvachü, sañuma jchanatya varyiy, tapi daryivanjiday satanuvudoda Jüdenüni bayantu nutyityu. <sup>7</sup>Jiryatimyu ne Jüdenümü tuvachuvadyeryi, riryi jtay samiy vanu variñi jnutyi, ne riryi jatichetyaniy tara saniyyu, saryimya juuchanu bayantu nutyityu variñi.

**Daryani riryi vichasarate Jüdenü  
siityarivay jmutyavay**

<sup>8</sup>Daryanjiday savata Jüdenü jmutyavajyu, jnutyi jmutyadaju savata riy. Daryaday riryicha samirya jachityavanti, ne riryi nique yituyadara niquejada. Dantyamuy ne niyuyadacanimiy riryicha varyi, dantyamuy ne riryi niryu riva criquiy, mitya quivuyadata canachara.

<sup>9</sup>Riryantya datya jmutyavay: Daryamusinjiday saray Jüdenü vuryeyada, jiryatiy vutyuvachu jaryi vuchiitejadamuju simu, daryadantiy jiryatiy saramityanimya Jüdenüna vujyuuchueda vuryiva daryaju.

<sup>10</sup>Vuryajantya jvaatyadeda munatyariy, samiy jvaavyevyidye riñicha. Netimyu ne riryanique tavay varyi riñijyu, variñi jita vuryavata jmutyavajyu riy.

<sup>11</sup>Vatuvyeda jarye jiryatiy jmutyavay riryecha, daryaday riryicha samirya jachityavanti, ne quivuyadacanimiy riryicha risajuntiy. Riryi jnutyä samiyu, riryi jvaay samiy titajura yivaayadantiy.

<sup>12</sup>Jmutyisj jita raryicha tiqui vaturutyi, saryi dyetya nusuyada samiriyi jidyedyeñu, sarorimyu vichavay jarye titaju. <sup>13</sup>Ne yinudye nitiy jmutyada samiy, ninj vanutya Jüdenü jtedamujuyu, dantyamuy ne tariy sumutyadiva ne yadate tuchoda: “Ray siityanayasarani Cristu Jesús.”

**Sanatuy Jüdenü riy nijyanvay  
riryatidye siitye saju**

<sup>14-15</sup>Rañi diryuy vanira yiva Timutévu, temusiy rariche dyetya day, ramutiy ripara catera yimu jidyetyadaju nutyura yecha samirya Jüdenü siityarivay jsa, jiryatiy vuryitachara Jüdenü roririy. Jivye nijyanvay jiryatiy Jüdenü vichasara rivyuva, riñi vanutya varirya saniquejada sitenu, richurutyantiryia, nutyu jutuvu ranityanichara surra daryá. <sup>16</sup>Chiramuy ne jachipiya ranijyu jiryatiy Jüdenü dityadoda samirya vichasara vuy, nutyuramusiy vuryechasara samirya savatadamu, nutyuramusiy. Sadyadoda jirya dutyasara vuy: Samutijada jita Jüdenü nutyu vanu, nutyu nijyamj savichada varyi. Jachiy jita sadyadoda Jüdenü Jnutura jiryatiy sitenura saniquejada. Ridiyada jita supavay siva, simu tuvachuvay tuchoda taji vichadiva sanchiy, rityuvachoda nijyanvay varyi simu, saryesbeda varyi navajyuyu, Jüdenü vandamuju.

**Sutay Jüdenü Jnutu riryajtj  
datyanuvay quivuyadacanimiy**

**4** <sup>1</sup>Dañuma sadatyanu Jüdenü jirya samituchoda vuy, suteda jita Suntu vijyomujache: Tamitya rundamu jita riryaparuy tavay riva Jüdenü siityarisada, judajamj siityarisada jiyasachiy, jiryatiy saquivuchunumaya daryaju riy, riryaparuy tavay rivantiy, bayantu datyadoda jiyasachiy. <sup>2</sup>Jirya datyanusada rajti vadumyusiy nutyunuma sitenu nta varirya. Jivye vaduy ne jachipiya ramuju jijuuchueda nuday, ne junura rijechiy varimujyu nuday, nutyunuma yivamyutera pisichara rijechiy varidye. <sup>3</sup>Ridye vaduy jtacharantiy: “Ne samirya jamuyada.” Daryaday rutay: “Jiryaparuy riva tara jbyeda jmyichara cabyimusiy, ne

jiryeymyi vacha.” Nūtyu sani jūdejada Jūdenura jmyichara tītaju, ratiy vuryajmutyasara simusiy, vuryichanatyā variy rivani, jiryatiy vūtyuvachu simu, vūdyetyantirya sītenu saniquejada Jūdenuntiy. <sup>4</sup>Tītaju jiryatiy sūdejadara, rani vichasara samirya, ne vuryajaviryūtyara jmyichara vuryibyedaju, mitya. Vuryanumaty jmutya simusirya, vuryajchanatyā variy rivani. <sup>5</sup>Tapi saniquejadata vūtyuchoda yisa variy, sabachara Jūdenu samiy vuryibyedajura tara tītaju variy.

**Nūtyuramusiy saryichasara Timutévu samiy muchechiy Jesucristuju**

<sup>6</sup>Yatiy jachipiyataniriy vūtyeryiveda ranchiy tītaju jiryatiy radetyanumuy jirya, ramusiy yecha Cristu Jesús muchechiy samiy variy. Yechasara samiy nūchusi Jūdenu niquejadamu varintiy, samiy datyadodamu jarye jiryatiy jichiityajayasara diyesarajura. <sup>7</sup>Yabay rajisiy datyasadamu tūchusada, ne samirya daryajura. Yavanūtya samirya vichadamu ji, daryatiy savata Jūdenu jiyura. <sup>8</sup>Vūvyū vūjyūtyanusara samiy taraju, jiryatiy vūvyichasara Jūdenu vaṭadamuju, rani jita jmutya tītaju taraju Jūdenu jtedamuju vūy. Vuryatiy vichasara Jūdenu vaṭadamu, sītenuṅi raṅcha samirya vūjyū, vuryinuyadasaraju tītaju; rajuntiy, jiryatiy vuryajnujeyasara variy Jūdenu jsaju tītaju. <sup>9</sup>Jiryaniday sītenu niquejada day, ramunū vuryatuvachu ramu samiy vūjechipiyajadata.

<sup>10</sup>Ramuniday vuryivaajeyasara parūcharimysuyi, jiryatiy vūdyetyasara daryaju Jūdenu jnuṅu jnūtyasaratē vūy. Nini vichasara vuryeyada raṅnu, tītaju nijyanvay jiyada raṅnu, jaryinra variy rijyū rityi siityarisarani.

<sup>11</sup>Yajtachara ruuva riryatidye jvaajeyasarara jirya tītaju, yadatyanusara varintiyiriyi nūtyura riryajvaarya.

<sup>12</sup>Ne yajaviryūtyataniy ji, nūtyu vaderonu day jiṅicha. Yajnūtyaniy yivaayadanacho riy Jūdenu siityarivay, nūtyuramusiy vuryaniquesara tara, daryadantiy, nūtyuramusiy vūryi vichasara, nūtyuramusiy vūryi vatasara vūy; daryaday vuryatuvachu simu Jūdenuntiy, vuryajnūtya taji jachipiyajadajisivyūy, taji jvaayadajisijarye. <sup>13</sup>Ritijadasaraju ne yaparūy riva jnyadara Jūdenu niquejada nijyanvaju. Dantyamūy ne yaparūtyaniy vaṭada Jūdenu siityarisadiva riy, dantyamūy ne yaparūy riva datyadoda varintiyiriyi.

<sup>14</sup>Yajachipityara jiryatiy saniquejada Jūdenu tariy vichavay rimityumiy siityarivavyara, ribeyadanumatirya jiyomutu yinupadamu. Ramusiṅiday sumūtyada Jūdenu yivaayadaju ji. Ne yabav mityara Jūdenu jmutyada.

<sup>15</sup>Yajachipityaja samiy yivaayadajura, ne yaparūy riva, riryatidye jnyū tītaju variy ranacho: Sasiityarisara samiy.

<sup>16</sup>Yinūtyatata samiy ji, jidyetyadodamuju jarye. Yajvaajeyasara samirya jirya, daryamusiy yaray jiyada, yaray tavay jiyada varintiy, rityi tuvachu ranacho jidyetyadoda.

**Nūtyura saryi vichanichara riy Jūdenu siityarivay**

**5** <sup>1-2</sup>Ne yaniqueṭya jitanū rimyityu; yavajuni datyanu jita samiy niquejadatani, nūtyunuma jiyē yajtaṅi. Yadatyānu riy vaderovantiy nūtyunuma jityeryiveda yajtav varintiyiriyi, daryaday yadatyānu riy rimyityodave-dantiy nūtyunumate yinodaveda yajtav variryi. Daryaday yadatyānuntiryi vinu vatuvyedantiy, nūtyunuma yityamutuvada jiryi jtav variryi, yinūtyatata vacha niquejadajisijiyi.

<sup>3</sup>Vuryajmutya nada sītenu bachenoḍa, ratiy nanuvata. <sup>4</sup>Bachenoḍa dadyeṅu,

nanasidyenu jarye, riñi jita radatya munatyara Judenu siityarisada, riryataryatanirya yinutyasada, tariy naninutyanyayada daryaju riy; Judenu jnyadamuju samirya vichasada darya. <sup>5</sup>Tanuy bachenodantiy, netimyu ne detanuy nada, dantyamuy ne jasivedatanuy, ne chi raryi jmutya variñada, nanunutuy jita rajiju Judenu jmutyada day, nanusiityari jachiñuyada variñi, jnarya, nuporacantiy, nanutuchutitiy variy sisa day. <sup>6</sup>Bachenoda cadnavedacanjuy jita, nanitamyata jnuñuy, diiñuyuma nanicha titaju varidye. <sup>7</sup>Titaju jiryatiy riteda yivara, yadatanu riy, sañuma baya ti riñijyura nicyaray jvaayada. <sup>8</sup>Minitimyu ne jnuty riy jityevay, dantyamuy ne sasay rivyataryay, nutyunuma sutay nta variy: “Ne rachiityarini Judenu nuday,” çnutyurajura savichaniy darya riy jityevay, nutyuraju? Niñi jita vicha variy jaryinra ruumusiy jiryatimyu ne richiityarisarani Judenu day. <sup>9</sup>Ne yanuryi bachenodaveda cateraniy\* jiryatimyu ne rutotaniy taraquinijyate vuyajuy nijya didye, ne vinu tiqui vanutavay riñicha. <sup>10</sup>Ne yanuy jicyateraniñada netimyu ne nanatichedara samirya jiñijyu, netimyu ne nanatiche jnutyada riy jidyedeyenu samiy, netimyu ne nanudatya matyadedani nijyami rupiñu jiryorimyu, netimyu ne nanimutya riy Judenu siityarivay samiy, netimyu ne nanimutya riy vanira parutyavay, netimyu ne nadivaacharara samirya jvaayada. <sup>11</sup>Yajubay nanajisiy bachenoda vaderonurya cateraniy jiñutyadeda, tapi nanuniruyada

jiyasachiy yajachipuñi Crístu daryaju variy, nanujamuryuñuma varidye.

<sup>12</sup>Daryamusiy juuchatanuy nada, ne naditotadeda daryajura tariy jiñiquejada: “Diyemusiy jita rasiityarijayasarani vinu Judenu.”

<sup>13</sup>Daryamusiy nanudatyara pituyada, jiryatiy nanuvutaya mitya ti rorimyuju, ti rorimyujujntiy. Ne vinu nanuvicha pituryuy, daryaday nanuvicha variy vacha niqueruy risajuntiy, nanityenuñumaya tisa variy, nanuniquejaya vacha, jiryatimyu ne samirya niquejada darya. <sup>14</sup>Ramuniday ravyatara bachenoda vaderonuy jamuyada nanudetuyadaju, nanatidye jnutyara jiryoriy variy samiy, nadivaatya tara tarivatya sanique nanumityasirya quivuyada jiñijyu.

<sup>15</sup>Satachuma daryaju bayantu nutyityu tanuy rusasiy bachenodaveda. <sup>16</sup>Tanutyi racha vaturuy Judenu siityarinyu, tanutyi racha nanutenu jtachanuy bachenoda, nadanuma jita rajmutya nada day, rañuma vicha paruchariy jvaayada tavay Judenu siityarivajyu. Daryamuniday riryajmutya Judenu siityarivay nada sitenu bachenoda, netimyu ne tenutanuy nada, ne chi raryi jmutya daryaju variñada.

<sup>17</sup>Judenu siityarivay jnutyavay jita rityi nusuchara samirya, vuryajchanatya varirya rivaachada, vuryajmutya variy risaju riy. Vuryajmutyasara jaryiryi, muvyeniityi jvaarya Judenu niquejada datyadoda; riñi jita racha jmutyasavay variy. <sup>18</sup>Tapi Judenu niquejada jtachara:

“Ne yapuchura vocaju jiryatiy nutasarasiy quisutyadamu jvaañuni.”

\* 5.9 Jiryatiy riñutyaniñuyada cateraniy bachenodavedayu, riñi vichanuyada variy Judenu muhechityodaveda, rumutyajada varirya criquiy vivaayada murichirya, ratarya jmutyada jarye risaju.

Daryaday rutay Judenu niquejadantiy:  
 “Jvaañu jarye vātara  
jimyrichenusāda.”

<sup>19</sup>Ne yatuvāchu ranācho tūchutāda sanchiy siityariṽay jñutyi, ṣatiy tūchuta vinu tīqui nijyaminī. Nanātyi juti tūchutanujyuy danujumyusiy varimyata mūnvamyusiy, riryatiy tūchu tara sanchiy, yatuvāchu jīta vari ranācho riyūchutāda. <sup>20</sup>Nītiy jiriryi juuchūveda, rajuutuunu yādātyanu rājisiy juuchūvedani, ṣatidyē paruy vari riva, riryatidyē suvuy tavarya juuchūveda varintyidyē. <sup>21</sup>Ramu ritay yivara jirya, sūnyuy Judenu daryaju jiñēcho, Crīstu Jesús jarye, supāvay jaryetasavay yisaju. Ne yajachipiṽa tūchoda vijyomujachera jñutyi juuchūveda, netimyu ne yatuvāchu tītaju didyerya sanijyu tūchutāda didyē. Dantyamuy ne yamācho mitya vapu vari sanijyu jñutyi juuchūvedacanu. Ne jiryiryē sayadantiy dañuma saryicha jijyutyānubi, dantyamuy ne jichuvuy chī jiyada yaray varintyi. <sup>22</sup>Ne yajaryuvūtya bayadara jijyomutu sūnupadamu tī ji, yatidyē bay vari jñutyiju jasīñi. Saryityi vicha juuchati, raryi ray sajuuchūveda jinchaju varintyi, jiryatiy jibeyada jñutyiju daryajuni. Yajdutyā juuchūvedajisiy ji.

<sup>23</sup>Samirya jivyichādaju ne yajatura vinu ja, yajatura bīnuja rajaryeju, jiryatiy jivyimu jarapūchāra daryaju, yidivajayasara japichiy rūcosiy. <sup>24</sup>Tavay vadunchiy vuñi datya cadnadumu jtojadajisiy: Riñi jīta juuchatavadye. Tavanchiy ne vūdyetya tara, netimyu ne saniqē cadnadu riñijyu didyē: “Juuchata tavay jivyecyu.” Ramunīday ne yajaryuvuy bayadani jñutyi. <sup>25</sup>Tavay vadunchiy vūdyetya samiy yivaayadamusiy: Samirya jachityavadyecyu. Tavanchiy ne vūdyetya vanīra samirya jachityavay vidyē riñicha. Ne ramācho mitya, rādityanu paricheyu.

**6** <sup>1</sup>Tītaju sacumudemiy ratuvāchu patru samiryamu yimu, riñuma nique nijyanvay Judenu jiyaroju, sadatyadoda jiyaroju jarye vari.

<sup>2</sup>Ripyatrūtiy racha Judenu siityarīnu, ne riryaparuy riva jñuyada samirya sanācho jipyatru, Crīstumusiy taryivachi daryajuni. Daryaday sajvaachāra cumude samirya saju jipyatrūtiy, sasiitye daryaju Judenuju, ramuni vatasī variñi. Yādātyanu jirya riy, yasiityetanintyiryi nijyanvay varintyi, jirya jvaayadaju.

#### **Vuryasiityarisarani Judenu vuryichanayadamu**

<sup>3-4</sup>Tītiy rādātyanura taji datyadoda, ne sasiitye ranācho Vuyntyityu Jesucrīstu samirya niquejada nūday, dantyamuy ne sasiitye jirya datyadodanācho varintyi, ñutyuramusiy vūryicha samirya Judenu diya, ñutyuramusiy. Nīday vanu yinnuvañūdayu, sadatyīsata risajura. Sūdivajadamu jidyiryē, japichiy sitajanu vari, niqueyadamu jarye saniqē risaju. Daryamusiy ravicha tīmu nīrūyada vari tara, tī niquettādacanu, tī javityiyeyadacanu, tīnijyu quivuyadacanu jarye risajuni, ñuñi vanumiy riyasanta vācha niquejadatayu. <sup>5</sup>Riñiday vaduy jarupadodara jijechipiṽajada, rimecho datyīsamiy rivasiy, ne ridyetyara Judenu datyāda, mitya. Riñi jachipiṽa Judenu siityarisādata yacānāchāra tara. <sup>6</sup>Sītenu day vuñi caṽay rajuura vūtyi siityarīni Judenu, vuryichanātya varirya sasārya. <sup>7</sup>Vūryupañumatiy ne vūryītu tara vari vūryisa, dantyamuy ne vūdyiīyadamu vūryītu tara vūryimu varintyi. <sup>8</sup>Ramuni vuryajchanātya varirya vūryimīsara, vūryoriy, vūchujay jarye risaju. <sup>9</sup>Nītiy vicharuy jaryi tarati, ne sajachīniy taryuyada tara vari yu. Ranirūtyaniy taryūchāda tarani, jiryatiy raṽatya

mityani, jiryatimyū ne samirya ranicha. Vuñirūtyi riva tara, netimyū ne samiryara, rani jita jarupanu samirya vichadajisivyūy. <sup>10</sup>Criquiūy vatasadamusiy, jadchiñuma runday tītaju nicyaray vichada variy. Ricyaramya tavay rajisiy Jūdenū siityariśada criquiūy vataadamusiy, raramijetyarima santuyuyadayu.

#### Yadatyanu ripyarūtyadajisiyū

<sup>11</sup>Jiñi jita Jūdenū siityarīnu sītenu, yabay rajisiy jirya tītaju. Yajantyasara vichada samirya jiryatīy Jūdenū vata daryá. Yātuvachu simu, yavata jaryiñi, samirya jvadirya yecha, yavichaniy variy samirya riy nijyanvay. <sup>12</sup>Yavanūtyara jiejchīpiyajada saniyyū Jūdenū, yejirityera samirya jamuca jnūtya, rajū yinūy sanātuyada Jūdenū ji, ji jarye tūchoda samiryamu vijyomujachera: “Ratyuvachu simu Jesús,” rajuuvey tuvachoda jityuchodanacho. <sup>13</sup>Rābatye tarate yimu. Jūdenū jita nītiy jnūtyaniy tītaju riy, nīni tuvachura jiryatīy rabeyada yimura. Crīstū Jesús jarye tuvachura, nīday tūchodara samirya tūchoda cadnadubay movantīy, ravichada sītya Pónsiyū Pyidātu. <sup>14-15</sup>Rabe yimura Jūdenū niquejada siityejadaju, samirya vichadamujū, tīnuma rañiquera vacha niquejada Jūdenū niquejadanijyū. Yasiityari jipyituyasadamura saniquejada, Vuyntyityū Jesucrīstū tījadasaraju varityi sajtīsara, jasicharajutiy sabayada Jūdenura yitījada runda. Vinu nī vichasara tītaju Vuyntyityū, tītaju riryajtay: “Nīnīday samirya vichara.” Nīnī vichasara jiyu vichavay nutyityū, jaryi nutyityū, daryaday jiyu vichavay

curacaveda nutyityū varintiyiñi. <sup>16</sup>Vinu nīnīday vichasara ne diiyasi. Nīnī vichasara jaryi vandamu, ne tī jachīnityara jaryi vanda satuudichadamu. Ne tī vanu diyada siva, tama vanay sadiy siva, tama. Nīnīday račhajayasarate Vuyntyityūte. Daryanuma dyetya račhatarye.

<sup>17</sup>Yadatyanu riy jamura criquiūyavay: Ne riryānūntya varirya. Ne riryānutuy ranijyū jicyurīquiūy, ne tarenu baryira daryajura. Dañita riryānutuy jita Jūdenunijyū, vinu nītiy sačhara rajuurā samiy vūvyichadaju vūy. <sup>18</sup>Ridye rajuu criquiūyavay rajvaarya rajuurā samirya day, jiryatīy riryajtachara variy tavay: “Samiy jvaavyeryi.” Riryecha sajadacanūmiy variy, riñantajara jicyurīquiūy variy tavavya. <sup>19</sup>Riryityi jvaay rajuu criquiūyavay daryá, Jūdenū rābacharāra samirya vichada jarichuvimu rijyū variy, ramunī riryajiryi jīñijyura sītenu samiy vichada jiryatīy Crīstumusirya.

#### Sadatyadoda Pávurubay tamityani Timutévubay tara

<sup>20</sup>Ravyatasi ji, Timutévu. Yajnūtya samirya jiryatīy sabayada Jūdenū sītenu yimura. Yaparūy riva vacha niquejada jiryatīmyū ne samirya niquesara darya, yaparūtye riva jmutyajajadantiy (jiryatīy rutay samiy datyadodara mitya quivuyadani ranicha varidye), mitya riquivuyadamusiy yimutyajajada. <sup>21</sup>Tavañi caray Jūdenū siityariśada jisidye, quivuyada richiityari daryaju day. Jiryecha samirya Jūdenū jtedamujū.

*Sayanuma Pávuru*